

Bosna i Hercegovina  
Federacija Bosne i Hercegovine



Bosnia and Herzegovina  
Federation of Bosnia and Herzegovina

OPERATOR ZA OBNOVLJIVE IZVORE ENERGIJE  
I EFIKASNU/UČINKOVITU KOGENERACIJU

OPERATOR FOR RENEWABLE ENERGY  
SOURCES AND EFFICIENT COGENERATION

## **PRAVILNIK O POSTUPKU DIREKTOG SPORAZUMA OPERATORA ZA OIEiEK**

**11. septembar 2015. godine**

Na osnovu člana 90. Zakona o javnim nabavkama („Službeni glasnik BiH“ broj 39/14), člana 8. Pravilnika o postupku direktnog sporazuma Agencije za javne nabavke („Službeni glasnik BiH“ broj 90/14), člana 22. Statuta Operatora za obnovljive izvore energije i efikasnu kogeneraciju, broj: 01-242/14 od 02.09.2014. godine, na prijedlog direktora, Upravni odbor Operatora za obnovljive izvore energije i efikasnu kogeneraciju, na devetoj sjednici održanoj dana 11.09.2015. godine, donosi

## **PRAVILNIK O POSTUPKU DIREKTOG SPORAZUMA**

### **Član 1. (Predmet Pravilnika)**

Pravilnikom o postupku direktnog sporazuma Operatora za OIEiEK (u daljem tekstu: Pravilnik) definiše se postupak javne nabavke roba, usluga i radova putem direktnog sporazuma iz člana 90. Zakona o javnim nabavkama Bosne i Hercegovine (u daljem tekstu: Zakon).

### **Član 2. (Opšti principi)**

- (1) Operator za OIEiEK postupak javne nabavke putem direktnog sporazuma provodi na način da se obezbjedi poštivanje principa iz člana 3. Zakona, odnosno dužan je da postupa transparentno, da se u postupku javne nabavke prema kandidatima/ponuđačima ponaša jednako i nediskriminirajuće, na način da osigura pravičnu i aktivnu konkurenciju.
- (2) Odredbe ovog Pravilnika imaju za cilj najefikasnije korištenje sredstava Operatora za OIEiEK, u vezi s predmetom nabavke i njegovom svrhom.

### **Član 3. (Direktni sporazum)**

Direktni sporazum je postupak u kojem Operator za OIEiEK, nakon ispitivanja tržišta, traži pisani prijedlog cijene ili ponudu od jednog ili više ponuđača i pregovara ili prihvata tu cijenu kao uslov za konačni sporazum.

### **Član 4. (Uslovi za primjenu direktnog sporazuma)**

- (1) Postupak direktnog sporazuma se može provesti kada je procjenjena vrijednost istovrsnih roba, usluga ili radova na godišnjem nivou jednaka ili manja od 6.000,00 KM.
- (2) Operator za OIEiEK može tokom jedne godine za isti predmet nabavke potrošiti do 6.000,00 KM putem ovog postupka.
- (3) Operator za OIEiEK može započeti postupak direktnog sporazuma ako je takva nabavka predviđena planom nabavki ili kada direktor Operatora za OIEiEK donese posebnu odluku o pokretanju direktnog sporazuma u skladu s članom 17. stav (1) Zakona.

## **Član 5. (Početak postupka)**

(1) Procjenjivanje vrijednosti javne nabavke koja se dodjeljuje direktnim sporazumom Operator za OIEiEK vrši u skladu s članom 15. Zakona, na ukupan iznos koji će platiti, bez poreza na dodatu vrijednost (PDV) .

(2) Procijenjena vrijednost mora biti važeća u trenutku kada Operator za OIEiEK zatraži prijedlog cijene ili ponudu od jednog ili više privrednih subjekata.

(3) Postupak direktnog sporazuma započinje donošenjem odluke ili rješenja u pisanom obliku koje, naročito, sadrži:

- a) zakonsku osnovu za provođenje postupka javne nabavke,
- b) predmet javne nabavke,
- c) procijenjenu vrijednost javne nabavke,
- d) podatke o izvoru - načinu finansiranja,
- e) vrstu postupka javne nabavke – direktni sporazum.

## **Član 6. (Izvršenje postupka)**

(1) Operator za OIEiEK ispituje tržište te traži pisani prijedlog cijene ili ponudu od jednog ili više privrednih subjekata koji obavljaju djelatnost koja je predmet javne nabavke.

(2) Zahtjev za pisani prijedlog cijene ili ponudu obuhvata detaljan opis roba, usluga ili radova uključujući elemente kao što su količina, kvalitet, tehnički opis, estetske i funkcionalne zahtjeve, karakteristike koje se odnose na okolinu, vrijeme i period isporuke i slično, a primjereno predmetu nabavke.

(3) Kada traži prijedlog cijene ili ponudu Operator za OIEiEK može od ponuđača zahtijevati da dokažu sposobnost za obavljanje profesionalne djelatnosti koja je u vezi sa predmetom nabavke, u skladu sa Zakonom.

(4) U zahtjevu za dostavljanje prijedloga cijene ili ponude, Operator za OIEiEK obavezno ponuđačima daje određeni rok da pripreme prijedlog cijene ili ponudu, uzimajući u obzir kompleksnost nabavke.

(5) Nakon što primi prijedlog cijene ili ponudu od jednog ili više ponuđača, a prije zaključivanja direktnog sprazuma, Operator za OIEiEK:

- a) pregovara sa ponuđačem/ponuđačima o cijeni i/ili
- b) prihvata prijedlog cijene ili ponudu jednog ponuđača i/ili
- c) provodi drugu vrstu postupka definisanu Zakonom.

(6) Ukoliko vodi pregovore koji se odnose na prijedlog cijene ili ponudu, Operator za OIEiEK pregovore vodi u cilju najefikasnijeg korištenje sredstava Operatora za OIEiEK, u vezi s predmetom nabavke i njegovom svrhom, o čemu vodi pismenu prepisku, koja će biti sastavni dio dokumentacije za predmetnu javnu nabavku.

## **Član 7. (Izbor dobavljača)**

(1) Kod izbora ponude na osnovu koje će biti dodijeljen ugovor, Operator za OIEiEK treba uzeti u obzir faktore kao što su cijena, količina, kvalitet, tehnički opis, estetske i funkcionalne zahtjeve, karakteristike koje se odnose na okolinu, vrijeme i period isporuke i sl.

(2) Operator za OIEiEK bira ponuđača na način koji garantira najbolju razmjenu vrijednosti za novac. Kada vodi pregovore koji se odnose na prijedlog cijene ili ponudu, Operator za OIEiEK djeluje u skladu sa dobrom komercijalnom praksom.

(3) Operator za OIEiEK će pažljivo ocijeniti ponuđenu robu, usluge ili radove, u odnosu na zahtjeve koje je utvrdio u pozivu.

### **Član 8. (Zaključivanje direktnog sporazuma)**

Direktni sporazum smatra se zaključenim:

- a) Kod nabavki čija vrijednost iznosi do 1.000,00 KM, prilaganjem računa ili druge odgovarajuće dokumentacije;
- b) Kod nabavki čija vrijednost je viša od 1.000,00 KM, Operator za OIEiEK je dužan zaključiti ugovor sa odabranim ponuđačem u pisanoj formi.

### **Član 9. (Pravni lijekovi)**

U postupku direktnog sporazuma žalba nije dozvoljena.

### **Član 10. (Prijelazne i završne odredbe)**

(1) Na pitanja koja nisu regulisana ovim Pravilnikom primjenjivat će se Zakon i podzakonski akti koji regulišu oblast javnih nabavki.

(2) Stupanjem na snagu ovog Pravilnika prestaje važiti Pravilnik o postupku direktnog sporazuma Operatora za OIEiEK, broj: 28/14 od 06.03.2014. godine.

### **Član 11. (Stupanje na snagu)**

Ovaj Pravilnik stupa na snagu narednog dana od dana objavljivanja na internet stranici Operatora za OIEiEK.

**Broj: 01-749/15  
Mostar, 11.09.2015. godine**



**Predsjednik**

**Izmir Hadžiydčić**